

**Samarqand davlat filiali Urgut filiali iqtidorli yoshlarining
g'oya va loyihalarini qo'llab-quvvatlash
maqsadida talaba-yoshlar o'rtasida o'tkaziladigan
"TechnoWays" texnologik marafonining**

N I Z O M I

I. Umumiy qoidalar

1. Ilmiy va innovatsion g'oyalar, loyihalarni saralab olish, yoshlarni qo'llab-quvvatlash maqsadida "TechnoWays" texnologik rivojlanish marafoni (keyingi o'rinlarda – Marafon) oliy ta'lim muassasasi doirasidagi Marafon bo'lib, yoshlarning ilmiy va innovatsion salohiyatini namoyon etish, mazkur sohadagi istiqbolli loyihalarni dastlabki bosqichda aniqlash va ularni har tomonlama qo'llab-quvvatlashga, tijoratlashtirish darajasiga olib chiqishga va o'z navbatida, loyihani amaliyotga joriy etishga qaratilgan. Shu bilan birga Marafon to'g'risidagi Nizom marafon o'tkazish shartlari, g'oliblarni aniqlash va ularni taqdirlash tartibini belgilaydi.

2. Marafonning filial bosqichlari Oliy ta'lim, fan va innovatsiyalar vazirligi yoshlar akademiyasi, innovatsion rivojlanish agentligi, innovatsiyalarni joriy qilish va texnologiyalar transferi milliy ofisi hamda filial bilan birgalikda tashkil etiladi.

3. Marafon qatnashchilari o'rtasida ilmiy va innovatsion loyiha yo'nalishlarida ilmiy-texnik ijodkorlik va ixtirochilikni rag'batlantirish, innovatsion faollikni oshirish hamda yangi texnika, texnologiya va raqobatbardosh mahsulotlarni yaratishni qo'llab-quvvatlashga qaratilgan.

4. Marafonda ishtirok etayotgan qatnashchilarning loyihalarini baholash va g'oliblarni aniqlash uchun tegishli soha mutaxassislaridan iborat, besh kishidan kam bo'lmagan tarkibdagi marafon komissiyasi (keyingi o'rinlarda komissiya) tuziladi hamda komissiya kotibi aniqlanadi.

5. Marafonning filial bosqichlarini tashkil etish va o'tkazish bilan bog'liq xarajatlarni filialning budjetdan tashqari mablag'lari hisobidan amalga oshiriladi.

II. Marafonni o'tkazish tartibi, muddatlari va shartlari

6. Marafonda ishtirok etuvchi yoshlarni aniqlash maqsadida filialning veb saytlari, intimoij tarmoqlardagi sahifalarida e'lon berilib, 7 kun davomida ishtirokchilar ro'yxatga olinadi.

7. Marafon ishtirokchilari ro'yxatdan o'tishda aniq bir muammo yoki mavjud potensial imkoniyatdan kelib chiqqan holda innovatsion xarakterga ega g'oya yoki loyihani taklif etishlari lozim.

8. Marafonda ishtirok etmoqchi bo'lgan talaba-yoshlar yakka o'zi yoki ko'pi bilan uch nafar talaba yoshlardan iborat jamoa bo'lib ro'yxatdan o'tishlari mumkin.

9. Marafon quyidagi tartibda tashkil etiladi:

- Rasmiy ochilish marosimi – 1-kun;
- Seminar treyninglar – 1-2-kunlar;
- Loyihalarni shakllantirish va rivojlantirish davri – 3-10-kunlar;
- Loyihalar taqdimoti – 11-12-kunlar;
- Yopilish marosimi va gʻoliblarni taqdirlash – 13-kun.

10. Rasmiy ochilish marosimi – filialda marafonning rasmiy ochilish marosimi oʻtkaziladi. Unda filial rahbariyati, talaba yoshlar va marafon ishtirokchilari qatnashadi. Ochilish marosimida marafon ishtirokchilariga marafonni oʻtkazish tartiblari, loyihalarni baholash mezonlari, gʻoliblarni ragʻbatlantirish toʻgʻrisida batafsil maʼlumot beriladi.

11. Seminar treyninglar – marafon ishtirokchilari uchun tashkil etiladigan oʻquv dasturi hisoblanadi. Unda filialda ilmiy tadqiqot va innovatsion sohada faoliyat olib boruvchi oʻqituvchi yoki boshqa mutaxassislar yordamida marafon ishtirokchilariga quyidagi mavzular boʻyicha seminar treyninglar oʻtiladi:

- Ilmiy unvon va ilmiy darajalar toʻgʻrisida maʼlumot va ularni olish tartiblari;
- Ilmiy va innovatsion loyihalarni shakllantirish va moliyalashtirish tartiblari;
- Startap loyihalarni shakllantirish va moliyalashtirish tartiblari;
- Loyihalarni xarajatlar smetasini shakllantirish tartiblari;
- “Boʻlajak olim” tanlovi va “Akademik harakatchanlik” dasturi nizomlari.

12. Loyihalarni shakllantirish va rivojlantirish davri marafon ishtirokchilari oʻz loyihalarini rivojlantirish va loyiha hujjatlarini shakllantirishlari uchun 10 kun vaqt beriladi. Mazkur davrda ishtirokchilar oʻz loyihalarini rivojlantirish ustida ishlaydilar, loyihalarga qoʻshimcha yangiliklar va funksiyalar kiritadilar. Mazkur nizomning 1-2-3-illovalariga muvofiq oʻz loyihalarining hujjatlarini shakllantiradilar.

13. Loyihalar taqdimoti – marafonning har bir ishtirokchisi oʻz loyihalarini komissiya aʼzolariga taqdimot qilishadi. Har bir ishtirokchiga taqdimot qilish uchun 5 daqiqa vaqt, savol-javoblar uchun qoʻshimcha 2 daqiqa vaqt beriladi. Loyihalarni baholash mazkur nizomning 4-illovasida koʻrsatilgan mezonlar asosida amalga oshiriladi. Loyihalar taqdimoti jarayonida komissiya kotibi tomonidan komissiya bayoni yuritiladi. Loyihalar taqdimoti yakunida komissiyaning har bir aʼzosi tomonidan qoʻyilgan ballar umumlashtiriladi.

14. Yopilish marosimi va gʻoliblarni taqdirlash marafon ishtirokchilarining loyihalarini baholash natijasida eng yuqori natija koʻrsatgan 3 ta loyiha Oliy taʼlim muassasasida tashkil etilgan marafon gʻoliblari deb eʼlon qilinadi.

15. Marafon ishtirokchilari, komissiya aʼzolari, komissiya aʼzolarining qoʻygan ballari, marafon gʻoliblari va ularning ishlanmalari toʻgʻrisidagi maʼlumotlar komissiyasining bayonida koʻrsatiladi hamda aʼzolari tomonidan imzolanadi.

16. Natijalar komissiya tomonidan bayon bilan tasdiqlanib, Oliy taʼlim muassasasining masʼul vakiliga taqdim etilganidan soʻng, yakuniy (hal qiluvchi ahamiyatga ega boʻlib) hisoblanadi va komissiya qarori boʻyicha Oliy taʼlim

muassasasi izoh bermaydi. Marafon natijalari va g'oliblarini e'lon qilish hamda taqdirlash marosimi marafonning oxirgi kuni amalga oshiriladi.

17. Oliy ta'lim muassasalari marafon ishtirokchilarini tanlovning talab va shartlari to'g'risida xabardor qiladi, tanlov yakunlari bo'yicha g'oliblarga xabar beradi va ularni taqdirlashni tashkil etadi.

18. Komissiyasi a'zolari, filialning va homiylik qiluvchi tashkilotlarning xodimlari va ularning yaqin qarindoshlari marafonda ishtirok etish huquqiga ega emas.

III. Ishlanmalarni baholash mezonlari

Marafonda ishtirok etish uchun ajratib olingan ishlar quyidagi mezonlar asosida, har bir mezon uchun alohida 10 ballik tizim bo'yicha baholanadi:

- G'oya yoki loyihaning ilmiy va innovatsion yangiligi;
- G'oya yoki loyihaning aniq bir muammoning yechimiga yo'naltirilganligi;
- Mavjud analoglaridan afzalligi;
- Biznes modeli va monetizatsiyasi;
- G'oyaning amalga oshirishdan kutilayotgan natijalar;
- Loyiha taqdimotining mukammalligi;
- Loyiha pasporti, biznes-rejasi va xarajatlar smetasi hujjatlari to'ldirilganligi.

21. Marafon ishtirokchilari komissiya a'zolariga loyihaning ilmiy va amaliy hamda ijtimoiy ahamiyatini tushuntirib bera olishini namoyish etishi lozim.

22. G'oliblarni aniqlashda baholash jarayoni davomida har bir ishtirokchiga komissiya a'zolari tomonidan qo'yilgan ballar umumlashtiriladi va komissiya a'zolari soniga bo'linadi. Eng yuqori ball to'plagan 3 nafar ishtirokchi g'olib deb hisoblanadi.

23. Ishtirokchilar tomonidan to'plagan ballar soni bir xil bo'lib qolgan taqdirda, komissiya a'zolari tomonidan ovoz berish usuli bilan g'olib aniqlanadi.

24. Loyihaning ilmiy yangiligini va zamonaviyligini ko'rsatish maqsadida uning analoglari bilan solishtirish imkonini beruvchi ma'lumotlarni, stendlar yoki boshqa qurilmalarda test va sinovdan o'tkazilganligi to'g'risida ma'lumot berishlari lozim. Agar ishlanma tanlovda ishtirok etgan yoki patentlangan bo'lsa bu haqda tegishli ma'lumotlar taqdim etiladi.

25. Tanlov g'oliblarini mukofotlash

26. Marafon yakunlariga ko'ra eng yuqori natijaga ega bo'lib, 1-2-3-o'rinlarni egallagan g'oliblar (jamoalar) pul mukofotlari yoki mazkur qiymatdagi qimmatbaho esdalik sovg'alar bilan taqdirlanadilar:

27. Mukofot marafonda g'olib bo'lgan loyihalarga, uning mualliflari sonidan qat'iy nazar, belgilangan qiymatda beriladi. Agar jamoa shaklida ishtirok etgan ishtirokchilarning loyihasi g'oliblikni qo'lga kiritsa, jamoa a'zolarining har biriga mukofot summasi teng miqdorlarda taqsimlanadi.

28. Mukofotlash marafonda g'olib bo'lgan talaba-yoshlarning bank plastik kartochka hisob-raqamlariga pul o'tkazish yo'li bilan yoki yoki naqd pul ko'rinishida amalga oshiriladi.

29. Marafonni g'oliblarini taqdirlash bilan bog'liq sarf-xarajatlar filialning budjetdan tashqari mablag'lari hisobidan amalga oshiriladi.

30. Homiylar taqdim etgan qimmatbaho buyum va yoki esdalik sovgʻalar homiylar bilan kelishilgan tartibda gʻoliblarga yoki yuqori koʻrsatkichlarga ega, faol ishtirokchilarga ham (ragʻbatlantiruvchi sovgʻa sifatida) topshiriladi.

30. Ushbu Nizom, marafon toʻgʻrisidagi maʼlumotlar va uning natijalari oliy taʼlim muassasasining rasmiy web-sayti va boshqa ommaviy axborot vositalarida eʼlon qilinadi.